

四明叢書

張宗祥



子
略

四明張氏釣園開雕

四庫全書提要

子略四卷目錄一卷

宋高似孫撰似孫有剡錄已著錄是書卷首冠以目錄
始漢志所載次隋志所載次唐志所載次庾仲容子鈔
馬總意林所載次鄭樵通志藝文略所載皆削其門類
而存其書名略註撰人卷數於下其一書而有諸家註
者則惟列本書而註家細字附錄焉其有題識者凡陰
符經握奇經八陣圖鬻子六韜孔叢子曾子魯仲連子
晏子老子莊子列子文子戰國策管子尹文子韓非子

墨子鄧析子亢桑子鶡冠子孫子吳子范子鬼谷子呂氏春秋素書淮南子賈誼新書鹽鐵論論衡太玄經新序說苑抱朴子文中子元子皮子隱書凡三十八家其中說苑新序合一篇而八陣圖附於握奇經實其三十六篇惟陰符經握奇經錄其原書於前餘皆不錄似乎後人刪節之本未必完書也馬端臨通考多引之亦頗有所考證發明然似孫能知亢倉子之僞而於陰符經握奇經三略諸葛亮將苑十六策之類乃皆以爲真則鑒別亦未爲甚確其盛稱鬼谷子尤爲好奇以其會粹

諸家且所見之本猶近古終非焦竑經籍志之流輾轉
販鬻徒構虛詞者比故錄而存之備考證焉

序

班孟堅之作漢書藝文志於諸子略別爲九流而小說
不與焉是卽鬼谷子所謂混說損益者挈領提目條秩
不紊後世達者咸宗之然管子法家也班則入於道宋
大夫者胡非隨巢師也班以殿墨家之末蓋究其源言
之高續古先生子略四卷舉邃古暨秦漢隋唐諸子之
傑者分而論之祛九流之目抒獨裁之見明眞贗別是
非入其堂室徹其骨髓較班論益爲詳且密者洵哉丙
部之功臣而爲治子者不可不讀之書也夫黃胄又獻

莫盛於姬周尼山一老振金聲集大成奕世稱之爲至
聖然天地渾淪之氣旣鍾其正必洩其奇故諸子躍出
各樹旗幟以鳴高若曾若晏若荀若王通得聖一體其
垂說尙與六經相維貫至若魯連賈誼桓寬劉向揚雄
王充之學老莊列文鄧析鬼谷騶冠諸子則皆殊塗而
趨不拘拘於儒術救弊補偏出新推陳奇譚玄論不一
而足踐實如六爻亦有天下非一人之天下天下之天
下二語甚中以國曰私者之忌漢武罷黜百家意蓋在
是嗚呼陋矣施及有宋崇尚理學士林丕變嘗讀宋史

呂公著傳有言曰元祐元年公著請令主司不得出題
老莊書舉子不得以申韓佛老爲學則宋代之於諸子
固眊爲藥之堇路之歧而不堪一日寓於目誦於口者
其不焜厥篇簡斷厥筭畢亦幸矣先生生於斯時覃思
殫精撰箚子略窮源竟委晰同辨異其可謂倜儻而不
羈者與顧於苟況則曰樂孔孟者又引其語不法先王
不是禮樂察而不惠辯而無用則亦流於申韓矣見鄧
析子篇而獨不與諸子並論其意蓋在尊荀揚王韓也
夫經史爲往哲所崇解以漢唐注疏說以程朱義理闡

發殆盡而勘遺而諸子則章句梗榛詁訓沈晦嚙叟不
易於終卷微惜要歸益難識焉於是重刊高氏子略以
爲學者發蒙啟瞶之一助云民國二十年十二月後學
張壽鏞序

自序

六經後士以才藝自聲於戰國秦漢間往往騁辭立言
成一家法觀其跌宕古今之變發揮事物之機智力足
以盡其神思致足以殫其用其指心運志固不能盡宗
於經而經緯表裏亦有不能盡忘乎經者使之純乎道
昌乎世豈不可馳騁規畫銅錚事功而與典謨風雅並
傳乎所逢如此所施又如此終亦六六與羣言如一百
氏同流可不嗟且惜哉嗚呼仲尼皇皇孟子切切猶不
克如臯夔如伊呂周召況他乎至若荀況揚雄氏王通

韓愈氏は學孔孟者也又不可與諸子同日語或知此
意則一言可以明道藝究訐謨可以立身養性致廣大
盡高明可以著書立言丹青金石垂訓乎後世顧所擇
如何耳審哉審哉乃系以諸子之學必有因其學而決
其傳存其流而辨其術者斯可以通名家究指歸矣作
子略

子略卷一

宋鄞縣高似孫續古撰

黃帝陰符經

觀天之道執天之行盡矣故天有五賊見之者昌五賊
在心施行於天宇宙在乎手萬化生乎身天性人也人
心機也立天之道以定人也天發殺機日月星辰地發
殺機龍蛇起陸人發殺機天地反覆天人合發萬變定
基性有巧拙可以伏藏九竅之耶在乎三要可以動靜
火生於木禍發必尅姦生於國時動必潰知之脩練謂

之聖人天地萬物之盜萬物人之盜人萬物之盜三盜
既宜三才既安故曰食其時百骸理動其機萬化安人
知其神而神不知不神所以神日月有數大小有定聖
功生焉神明出焉其盜機也天下莫不見莫能知君子
得之固窮小人得之輕命瞽者善聽聾者善視絕利一
源用師十倍三反晝夜用師萬倍心生於物死於物機
在目天之無恩而大恩生迅雷烈風莫不蠢然至樂性
餘至靜則廉天之至私用之至公禽之制在氣生者死
之根死者生之根恩生於害害生於恩愚人以天地文

理聖我以時物文理哲自然之道靜故天地萬物生天
地之道浸故陰陽勝陰陽相推而變化順矣至靜之道
律呂所不能契愛有奇器是生萬象八卦甲子神機鬼
藏陰陽相勝之術昭昭乎進乎象矣

陰符經注

太公等注

一卷十家

七家注

一卷

李靖注

一卷李筌

張杲注

一卷

袁淑真注

一卷

蕭真宰注

一卷

黃居真注

一卷

沈亞夫注

一卷

任照一注一卷

蹇昌辰注

杜光庭注一卷

陸佃注一卷

李靖陰符機一卷

陰符太無傳一卷張杲傳得於道藏

陰符正義一卷唐韋洪

陰符要義一卷

李筌妙義一卷唐驪山母

陰符辨命論一卷張杲

陰符玄談一卷唐玄解先

陰符經一卷杜光庭

陰符十德經一卷唐葛洪

陰符經疏一卷袁淑真

陰符經頌一卷大玄子

陰符經一卷無爲子撰

陰符頌三卷張彬卿撰

陰符玄義一卷唐張魯

陰符丹經

一卷防山長

陰符丹經

一卷防山母注

陰符序

一卷李筌

陰符經訣

一卷

陰符經序

一卷

陰符五賊義

一卷

陰符小解

一卷

陰符天機經

一卷

陰符解題

一卷

陰符丹經解

一卷

陸龜蒙讀陰符經詩

清晨整冠坐朗詠三百言備識天地意獻詞犯乾坤何
事不隱德降靈生軒轅口銜造化斧鑿破機關門五賊
忽迸逸萬物爭崩奔虛施神仙要莫救華池源但學戰